


# LEGGJUM LÍFSSÝN KVENNA AF MÖRKUM



Kvenna  
*listinn*

Ítarlega stefnuskrá Kvennalistans er að fá á skrifstofu okkar í Kvennahúsinu, Hótel Vík, Vallarstræti, 101 Reykjavík. Pangað eru öll velkomin enda alltaf kaffi á könnunni!

Síminn er 623311 og 13725.

Kvennalistinn hefur opnað gíróreikning, svo stuðningsfólk geti stutt fjárhagslega við bakið á málstaðnum. Reikningurinn hefur númerið 250600.

Kær kveðja,

Kvenna  
*listinn*

Í aldanna rás hafa konur og karlar hlotið ólíkt uppeldi, fengist við ólík störf, búið við ólík kjör og skipað ólíkan sess í þjóðféluginu. Lífssýn og verðmætamat kynjanna hefur því þróast á ólíkan hátt. En í þróun samfélagsins og við stjórnun á því hefur lífssýn karla orðið yfirgnæfandi og reynslu kvenna lítið gætt.

Kvennalistinn vill breyta þessu. Markmið Kvennalistans er að reynsla og viðhorf kvenna verði stefnumótandi afl í samféluginu til jafns við reynslu og viðhorf karla.

Til þess að svo megi verða, þarf að binda enda á valda- og áhrifaleysi kvenna. Það þarf að verða gagnger breyting á kjörum þeirra og aðstæðum. Ænn sem áður vinna konur vanmetin láglauastörf á vinnumarkaðnum. Þær bera ábyrgð á uppeldi barnanna, vinna ólaunuð verk á heimilunum og hafa fáar tómstundir. Allar breytingar til batnaðar á þessum aðstæðum og kjörum kvenna skila sér í réttlátara og betra þjóðfélagi. Þjóðfélagi, sem býr vel að börnum sínum án tillits til kynferðis.

Framboð til Alþingis er ein þeirra leiða, sem við förum til að auka áhrif kvenna og bæta stöðu þeirra. Með þingframboði viljum við tryggja að kvenfrelsissstefna eigi málsvara á Alþingi og konur eigi þar fulltrúa, sem gæti hagsmuna þeirra.


## Í baráttu okkar fyrir breyttu samfélagi, leggjum við Kvennalistakonur höfuðáherslu á eftirfarandi atriði:



Gagngert endurmat á störfum kvenna, sem hafi það að leiðarljósi að leiðréttu himinhrópandi launamisrétti karla og kvenna. Hækkun lægstu launa svo ein dagvinnulaun nægi til framfærslu heimilis. Jafna foreldraábyrgð og aukna og bætta þátttöku samfélagsins í uppeldi barna. Breytta forgangsröðun verkefna svo manneskjan og þarfir heimilanna sitji í fyrirrúmi. Lengingu fæðingarorlofs, sem tryggi heimavinnandi mæðrum sama rétt og öðrum til fullra orlofsgreiðslna.




Mennta- og atvinnustefnu, sem tekur mið af því að stærsta auðlind lands og þjóðar er fólkið sjálft, hugvit þess og kunnátta.



Stefnu í húsnæðismálum, sem virðir frelsi fólks til að velja hvort það býr í eigin húsnæði eða leigir. Í húsnæðislöggjöf verði tekið tillit til fjölskylduaðstæðna og kjara fólks á hverjum tíma.



Við nýtingu náttúrugæða landsins verði virðing og nærgætni höfð í fyrirrúmi og sú sýn höfð að leiðarljósi, að afkomendur okkar fái notið sömu gæða og núlfandi kynslóðir. Að við arðsemisútreikninga verði spurt um áhrif á náttúru og mannlíf í stað þess að spryja um stundarhagnað í peningum. Að sett verði heildarlöggjöf um umhverfismál.



Utanríkisstefnu, sem byggir á friðsamlegum samskiptum við allar þjóðir. Íslendingar standi vörð um mannréttindi, sjálfs-ákvörðunarrétt þjóða, vinni gegn hernaðarbandalögum og vopnaskaki og taki frumkvæði í þeirri vinnu á alþjóðavettvangi.



Hlúð verði að menningu og listum um land allt og skapaðir möguleikar fyrir þátttöku almennings í hvers kyns sköpun. Að Ríkisútvarpið verði opnað almenningi svo einstaklingar, hópar og félagasamtök hafi aðgang að hljóðvarpi og tæknitoð.



Að jafnrétti til náms verði virt í raun með markvissri uppbyggingu grunnmenntunar alls staðar á landinu og nægjanlegt fjármagn verði tryggt til öflugs skólastarfs. Að fullorðinsfræðsla verði efld og komið á fjarnámi sem myndi gjörbreyta aðstöðu fólks um allt land til náms og símenntunar. Eflingu menntunar og rannsóknarstarfsemi, sem við teljum grundvöll uppbyggingar og nýsköpunar í atvinnulífi þjóðarinnar. Að lögum um Lánasjóð íslenskra námsmanna verði ekki breytt á þann veg að þau skerði jafnrétti til náms. Að fjárveitingar til Háskóla Íslands og annarra skóla, sem kenna á háskólastigi, verði stórauknar.



Aukið lýðræði, sem felst í aðild starfsfólks og neytenda að stjórn ýmissa stofnana samfélagsins, svo sem skóla, dagvistarheimila, útvarps, heilbrigðisstofnana o. fl. Að draga úr miðstýringu og auka valddreifingu þannig að við höfum bein áhrif á stjórn þeirra mála, sem snerta daglegt líf okkar.